

apite sekima8igobanen Konstanten pitcinak alamiago-
ban; eno8ek dac gotc ako keiabatc naningotiaon kota-
kisik eiamiadjik.

Ki kikitok meia aiamie gana8abitc gaie eiamie gana-
8abidjik, mi dac co8atc i ki ani iji8ebak. Gaie 8ina8a
napotak, mi ka totamo8atc: apite acale eni an8enindi-
so8atc anicinabek. Joda8inini8ak gaie 8ina8a nana-
nint ki an8enindizog8aban, mi dac ena8atc 8itc anici-
nabe8an kete ijit8a8in tci tipaige8atc. Mi dac i ki
kikitonotamo8atc oom napotak. 8in nitam dac kiccit8a
Pien animitagosi; ka ick8a8etc, mi dac acale kiccit8a
Jak; mi dac gotc gaie 8in ekitotc tci eka animeninda-
mümintc pitcinak eiamianidji. Ka ick8a kikito8atc,
mi dac ekito8atc: o min8abandan Mino Manito oom
ka iji kij8eiang, 8in meka o maiasekandan i ma8an-
djiitinitc eiamie gana8abinidji. Gaie 8ina8a eamia-
djik kakik o min8abandana8a i ma8andjiitinitc aiamie
gana8abi8an; 8in meka. Jezos ot inenindamian ket iji
minosenik ot aiamie8in. Eka dac ka tep8etansigok
onom aiamie ma8andjiiti8inan, ki ikonigani8ik aiamie-
8ining, ki 8ehinigani8ik.

Apitci ka mino gana8enindangik aiamie8in monjak
i ki mikockadjiind8a eiamiadjik 8aieckat, 8eosimindjik
ina8ind8aban. Nibina gaie gotc kotakak kiccit8ak o ki
ojitona8an aiamie masinaiganan eckam tci sis8eckanik
aiamie8in. Ni gana8enindananan inim aiamie masina-
iganan ka ojita8adjin ketcit8a oiosimindjik; ni kitci
8itokagonanan kicpin a8ia 8a manj totangin aiamie8in.
Nibina gaie ondinkaten kakik8e8inan.